

四
部
備
要

中華書局輯刊

四部備要

第六〇冊

中華書局
中國書店
影印

本書據中華書局1936年版影印

四部備要

(第六〇冊)

中華書局編

•

中華書局出版

(北京王府井大街36號)

中華書局影印發行
中國書店

北京新興膠印廠印刷

•

787×1092毫米 1/16 39·5印張

1989年3月第1版 1989年3月北京第一次印刷

印數 0001—500 冊

(41)

重刻近思錄序

卜子云切問而近思近思云者將以收其放心也操之則存其固有之良舍之則亡其本來之善聖狂殊途只爭克念與否耳朱子近思錄一編爲學者切要之要領所當朝夕循誦以發深省者也 省崖使者視學西江項語予云江右爲人文之藪代有英賢輔軒所及課士命題類多博通淹雅斐然可觀若再易以先儒心性經術之精修己治人之要其所進當不止是因囑刊近思錄補布學宮俾知難幾爰與方伯廉使觀察諸公共商刊刻梓成因弁簡端併報告以勗多士

嘉慶十九年歲在甲戌春二月初吉長白先福謹序

朱子原訂近思錄序

學術與治術一以貫之者也古之聖賢戒慎恐懼主敬存誠默察乎天命民彝之本體驗於躬行實踐之餘而天地之所以裁成民物之所以發育經曲之所以燦然與夫一切制度文爲之精刻而與時損益以各適其宜者悉於是乎出推之人心而同放之天下而準故學爲有本之學而治爲可久之治况夫學術醇則風尚端膠庠稽古之士範身名教而鄉里之薰其德而善長者效可立觀又爲裨益政教之急務乎歐陽子曰教學之法本於人性磨揉遷革使趨於善至於禮讓興行而風俗醇美然後爲學之成誠哉是言也

國家以經義育才自太學以迄郡州縣莫不立之學而設之官教之之法則使人日誦習五經四子書以講求義理之精爲升遷登進之階海內之士爭自濯磨學術畫然一出於正以應

朝廷之選者蓋百七十餘年矣竊嘗思之人受天地之中以生而治以攝天地之大同道者所由適於治之路也堯舜禹湯文武周公之治集於孔子孔子之道著於孟子秦火以後漢之江都隋之河汾唐之昌黎皆能闡發道義力任正學然或見其本而倚於偏或窺其廣大而未極乎精微其他紛紜舛錯解經而不得聖人之用心者指不勝屈於異端害道又何貴焉宋周程張朱諸大賢出剖晰於理欲之微並進乎知行之功密動靜之交養見內外之合一由小學以及大學由治己而推之治世鉅細精粗本末始終莫不同條而共貫體立而用行然後千古之道統治法燦然以明而後世得有所取法今科

場

功令命題一本五經四子書其援引傳說必以朱子爲斷誠以朱子之道孔孟之道也夫聖人之道高矣美矣而朱子引之以近聖人盡其性推而行之以盡人物之性極於變化育參天地而朱子則教學者慎之於思昔呂東萊先生過蔡良精舍朱子留與閱周程張四家

之書擇其切實粹精裨於性情心術之正人生日用之恆經世宰物之宜者得六百二十二條分爲十四卷名曰近思錄其後往復商榷久而始定以此爲下學切要工夫且曰近思錄四子書之階梯四子書五經之階梯也然則士生

聖教昌明之會誦聖賢之書志聖賢之志學聖賢之學以仰體

聖人之化者舍是書其何以爲階哉嘉慶壬申冬余奉

命視學江右抵任後循例按試各郡恭繹

先皇飭士習厚風俗正人心之諭兢兢與士子相易以實學爰取近思錄爲入德門戶士之穎異者翕然知所尊尚而潛心研究之子亦時能陳其義蘊顧其所讀本率皆近世汪氏施氏之編且坊刻歧誤甚多非復朱子之舊矣憶予廿年前得婺源江氏慎修集註極爲完善十年前又得大興朱文正公與徽人之宦京師者新刻江氏本合而校之藏諸篋中因出以商諸中丞芝圃先公重爲刊刻徧示學宮

弟子公曰善遂與方伯柏田袁公廉訪孟岩戚公暨僚屬等輪黃發刊起癸酉冬十一月越次年夏五月告成按學分大小而周布之蓋人人得善本焉夫是書自朱子手訂後津祐中葉氏采進集解一遵原本其後周公恕分標細目移動本文破碎糾紛不免漏落妄增之譏新安朱氏本或節去本文或以本文訛入分註又或訛葉註爲本文謬僞滋甚大率沿周氏本而益其誤也汪氏施氏又取朱子語附益其中復引後儒之說發明之均失原編之義茲刻江氏集註標名曰朱子原訂近思錄從其朔也余惟古昔教育人才之法莫重於學而學宮之制我

朝更詳備於古學所以求道也道成己而成物者也士君子窮經致

用思聖天子振興文治廣勵師儒之意原欲使經正民興俾鄉有善俗國有真才也其服習必於仁義而所學必求衷諸正不矜博覽章句之

能盡指富貴利達之見一志慮之專以戒夫淫薄之失殫切磋之益而力教夫道德之精以之持己則誠而明以之式俗則順而祥以之處家國天下之事無所施而不當則必於近思錄基之體認既熟於以讀四子書始恍然於義理之悅我心由四子書而研窮諸經益恍然於唐虞三代之學與治運用天理而合乎人情者宜萬古而不易然後博稽史傳考制作之得失驗人心之邪正自釐然以辨而不蔽以偏私由是取以備公卿大夫百職事之選才皆預定而設施亦皆素所習聞即偶處鄉曲而訓俗型方亦己立立人已達達人事也豈不休哉若夫拘守是書而不復旁通徒事口耳而不求心得甚或撫拾腐說支離傳會而一毫無裨於實用反使記誦之學囋其陋詞章之學晒其拙此則蹈嘉定以來末學談理之流弊非今日刊刻之意矣讀者幸鑒余之苦心也夫

嘉慶十有九年歲次甲戌夏五月關中王鼎序并書

朱子原訂近思錄集註原序

道在天下，亙古長存。自孟子後，一緣弗墜，有宋諸大儒起而昌之，所謂爲天地立心，爲生民立道，爲去聖繼絕學，爲萬世開太平，其功偉矣。其書廣大精微，學者所當博觀而約取，玩索而服膺者也。昔朱子與呂東萊先生晤於寒泉精舍，讀周子程子張子之書，歎其闡博無涯，恐始學不得其門，因共授其關於大體，切於日用者，爲近思錄十四卷。凡義理根源，聖學體用，皆在此編。其於學者，心身疵病，應接乖違，言之尤詳。箴之極切。蓋自孔曾思孟而後，僅見此書。朱子嘗謂四子六經之階梯，近思錄四子之階梯。又謂近思錄所言，無不切人身心，救人病者，則此書直亞於論孟學庸。豈尋常之編錄哉？其間義旨淵微，非註不顯。攷朱子朝夕與門人講論，多及此書，或解析文義，或闡發奧理，或辨別同異，或指摘瑕疵，又或因他事及之，與此相發，散見文集或問語類諸書。前人未有爲之者。幸者宋淳祐間，平巖葉氏采進近思錄集解，採朱子語甚略。近世有周公恕者，因葉氏註，以己意別立條目，移置篇章，破析句段，細校原文，或增或複，且復脫漏譌舛，大非寒泉集之舊。後來刻本相仍，幾不可讀。永自早歲，先人授以朱子遺書原本，沈潛反覆有年，今已垂暮，所學無成，日置是書案頭，默自省察，以當嚴師。竊病近本既行，原書破碎，朱子精言，復多刊落，因仍原本次第，更輯朱子之言，有闕此錄者，悉採入註。朱子說未備，乃採平巖及他氏說補之，間亦竊附鄙說，盡其餘蘊，蓋欲昭晰，不厭詳備。由是尋繹本文，彌覺義旨深遠，研之愈出，味之無窮。竊謂此錄既爲四子之階梯，則此註又當爲此錄之柱石。開局發端，祛疑釋蔽，於讀者不無小補。晚學幸生朱子之鄉，取其遺編，輯而釋之，或亦儒先之志，既以自勵，且公諸同好，共相與砥礪焉。

乾隆壬戌九月丁巳朔夢源後學江永序。

朱子原訂近思錄集註凡例

- 一是錄原本六百二十二條各卷中以所引書爲先後一條或及數事全文不可破拆也淳祐中葉采進集解尙仍原文近世周公恕分出細目移動本文破碎糾紛或漏落或妄增大失朱呂之意新安朱氏刊本仍之題作吉水李振裕宛平高裔重編皆非其實其間斷綴益多有節去本文有以本文作分註以葉註作本文者此書遂不可讀今悉遵朱子遺書原本以還其舊
- 一原本十四卷各爲事類而無篇目朱子嘗言逐卷不可以一事名近本題篇目如第一卷題云道體篇亦非其舊今本語類近思錄逐篇編目一條註於卷首俾各篇有總領仍不失朱子之意
- 一朱子文集語類言編此錄及讀此錄之法案篇綱領列於書目原序之後俾讀者知其大要
- 一朱子之說散見文集語類或問等書者甚夥今倣性理大全太極通書西銘附註之例凡朱子說悉採入有數條文異意同者從略一所引太極通書西銘惟載朱子本解其他說其繁自有性理全書此不備載
- 一朱子說有不備則採先儒諸家說及葉氏說情之葉說有未安或未盡則附載就足之本文已詳明可不煩註釋者從略
- 一是書原有本註者加本註二字以別之
- 一諸條有字義姓名當釋者釋之所引經史雜書附釋一二其原文不盡載者是書非爲幼學設不必一一訓註讀者自能詳之
- 一近世新安汪氏佑每篇增入朱子之言爲五子近思錄施氏瓚又篇之發明探賈數軒明教書堂葉氏高景逸四家附錄入註各自成書此不能勝承亦恐後儒衍說太多讀者易生厭倦也

朱子原訂近思錄原序

婺源江永集註

關中王鼎校次

周子太極通書

明道先生文集

伊川先生文集

周易程氏傳

程氏經說

程氏遺書

程氏外書

橫渠先生正蒙

橫渠先生文集

橫渠先生易說

橫渠先生禮樂說

橫渠先生論語說

橫渠先生孟子說

橫渠先生語說

淳熙乙未之夏東萊呂伯恭來自東陽過予寒泉精舍留止旬

日相與讀周子程子張子之書歎其廣大闊博若無津涯而懼

夫初學者不知所入也因共掇取其關於大體而切於日用者

以爲此編總六百二十二條分十四卷蓋凡學者所以求端用

力處已治人之要與夫辨異端觀聖賢之大略皆粗見其梗概

以爲窮鄉晚進有志於學而無明師良友以先後之者誠得此

而玩心焉亦足以得其門而入矣如此然後求諸四君子之全

書沈潛反覆優柔厭厭以致其博而反諸約焉則其宗廟之美

百官之富庶乎其有以盡得之若憚煩勞安簡便以爲取足於

此而可則非今日所以纂集此書之意也五月五日新安朱熹

謹識

近思錄既成或疑首卷陰陽變化性命之說大抵非始學者之

事祖謙竊嘗與聞次緝之意後出晚進於義理之本原雖未容

驟語苟茫然不識其梗概則亦何所底止列之篇端特使之知

其名義有所嚮望而已至於餘卷所載講學之方日用躬行之

實具有科級循是而進自卑升高自近及遠庶幾不失纂集之

指若乃厭卑近而驚高遠躡等陟節流於空虛迄無所依據則

豈所謂近思者耶覽者宜詳之淳熙三年四月四日東萊呂祖

謙謹識

朱子答呂伯恭曰近思錄向時嫌其太高去却數段如太極及

明道論性之類者今看得似不可無如以顯子論爲首却非專

論道體自合入第二卷作第三段又事親居處直在第九卷亦

似太遠今欲別作一卷今在出處之前乃得其序卷中添却數

段不知於尊意如何此書若欲行之須更得老兄數字附於目

錄之後致丁寧之意爲佳千萬勿吝也○又近思錄數段已補

入逐篇之末今以上呈恐有未安却望見教所移移第六卷者

可否亦望早垂諭也○答汪易直曰近思錄此間書坊刻刊傳

增多數條如買禮遺珠之論尤可以警今日學者用心之誤家

儀細錄亦有補於國教學勿以爲空言而輕讀之也○答宋深

之曰熹自十四五時得河南程先生橫渠張先生兩家之書讀

之至今四十餘年但覺其義之深指之遠而近世紛紛所謂文

章議論者殆不足復過眼信乎孟子以來一人而已然非用力

之深者亦無以信其必然也舊嘗擇其言之近者別爲一書名

近思錄幸細讀之○答李子能曰程先生說涵養須是敬進學

則在致知若只於此用力自然此心常在衆理自著日用應接

各有條理矣近思錄前三四卷專說此事○答黃文卿曰知日

誦四書時時省察此意其善近思錄得近世學問規模病痛

親切更能兼看亦佳○答或人曰近思錄本爲學問不能偏偏

諸先生之書故搜其要切者使有入道之漸若已看得決治通

曉自當推類旁通以致其博若看得未熟只此數卷之書尚不

五

於後正謂此也若只讀此則道理孤單如頓兵堅城之下却不
如語孟只是平鋪說去可以游心○看近思錄者於第一卷未
曉得目從第二卷看起久久後看第一卷則漸曉得○問
書近思錄得何如曰所疑是多日今倅作看這文字也是
難有時前面得後面又不足餘地這裏說得如此那裏又
却不如此于細看來看去却自中間有箇路兩推尋通得四五
十條後又却只是一箇道理伊川云窮理豈是一日窮得盡嗎
得多後道理自通徹○因論近思錄曰不當輕易傳所載問如
何曰公須自見意謂易傳已自成書○東見錄中聖道曰學者
先須識仁仁者渾然與物同體義禮智信皆仁也云云極好當
添入近思錄○遺書吳氏客語卷中張思叔記程先生語云思
欲格物則固已近道一段甚好當收入近思錄○橫渠語錄用
關陝方言其者皆不可曉近思錄所載皆易曉者○
因論近思錄曰如今書已儘多了更有却看不曉

言之性其亦從。○鬼神者造化之迹也。說文音傳曰鬼神者造化之迹也。
四時代謝又同耳。是皆可得而見。又曰視之不見。聽之不聞。何也。曰
我道無又有說道有。又無物之生成非鬼神而何。然又去邪惡討鬼
神。如日月星辰風雷霜雪造化之迹。天地之間只是此一氣耳。來者
精神。往者消息。問伯有謂造化之迹亦造化之迹乎。曰皆然也。若論
正理則是也。但人所常見故不之怪。造化之迹又如空中忽有雷霆
之往來。屈伸者足以及見。○剝之爲卦。諸陽消剝已盡。獨有上九一
之微鬼神則造化無迹矣。○剝之爲卦。諸陽消剝已盡。獨有上九一
爻尚存。如碩大之果。不見食將有復生之理。上九亦變則純陰矣。然
陽無可盡之理。變於上則生於下。無間可容患也。聖人發明此理以
見陽與君子之道不可亡也。或曰剝盡則爲純坤。豈復有陽乎。曰以
卦配月。則坤當十月。以氣消息言。則陽剝爲坤。陽來爲復。陽未嘗盡
也。剝盡於上。則復生於下矣。故十月謂之陽月。恐疑其無陽也。陰亦
然。聖人不盲耳。爾雅十月爲陽。○問剝復相因畢竟須經由坤坤卦
當一月。領是滿三十日方滿。得此陽子做得一畫成坤。非是無陽
陽始生。其陽未滿。那能于一畫未成。然此亦不是其深奧事。但伊
川當時不曾分明道出。故令人做一件大事看。○陽氣可盡之理。
伊川說得甚精。且以卦配月。則剝九月。坤十月。復十一月。剝一陽尚
存。復一陽已生。坤純陰。陰氣闕了三十日。安得謂之無盡。著細推之。
這一陽不是他地生出。建立冬便萌芽。上面剝一分下面便萌芽。
分上面剝一分下面便萌芽。二分積累到冬復東方成一分。陽消時亦
如此。但伊川說欠幾句漸漸清長之意。問冬至至子之半如何。是一陽
方生。冬至方是結算那一陽冬至以後又漸生。成二陽過一月却成
三陽。○復之一陽分作三十分。從小雪後便一日生一分。上面變得
一分下面便生一分。到十一月半一陽始生。一月無陽。且如木之黃落。時息
芽已生了。不待如此木之冬青者必先萌芽而後舊葉方落。若論變
時天地無時不變。惟月變日變。而時亦有變。但不覺耳。○陰亦
然。以天乾旋推之亦可見。但聖人所以不言者。這便是一箇參贊裁
成之道。道抑陰而進陽。長善而消選用君子而退小人。此理自是怎
地難弄。舜之世豈無小人。但有聖人壓在上面。不容他出而有爲耳。
○一陽復於下。乃天地生物之心也。先儒皆以靜爲見天地之心。蓋
不知動之端。乃天地之心也。非知道者孰能識之。朱子曰天地以生

此始如此。○十月陽氣收，萬物收藏，故無陰謀之心。○一陽動，萬生物之見惟此一陽動則生意始發露出乃始可見端倪也。言動之頭端從此處起於此處方見天地之心也。○不直下動字却云動之端雖動而物未生未到大地動處片發生焉。
○朱子曰伊川此說就得理論開闢無病。○此說固好然說得太渾淪以惑人理會不得。葉氏曰仁者以天地萬物為一體故曰天下之公四端善首緒。○有感必有應凡有動皆為感感則必有應所乎仁故曰善之本。
○天下一理終而復始所以恆而不窮恆非一定之謂也一定則不能恆矣惟隨時變易乃恆道也。天地常久之道天下常久之理非知道者孰能識之。
檀蒙傳○朱子曰恆非一定之謂故復樂若一定則不能常也其在人冬日則飲湯夏日則飲水可以出仕可以止今日道合則從明日不合則去皆隨時變易故可以為常也。○所謂不易者亦須有以變通乃能不窮如君尊臣卑分固不易然上下不交也不得父子固是親親然所謂命士以上父子異宮則又有變焉惟其如此所以為恆論云體則終是恆然變之常所以為用之變用之變乃所以為體之常。○能常而後能變能常而己所以能變及其變也常亦只在其中伊川却說變而後能常非是。
○人性本善有不可革者何也曰語其性則皆善也語其才則有下愚之不移所謂下愚有二焉自暴也自棄也人苟以善自治則無不可移者雖昏愚之至皆可漸磨而進惟自暴者拒之以不信自棄者絕之以不為雖聖人與居不能化而入也仲尼之所謂下愚也然天下自棄自暴者非必皆昏愚也往往強戾而才力有過人者商辛是也聖人以其自然於善謂之下愚然考其歸則誠愚也既曰下愚其能革面何也曰心雖絕於善道其畏威而寡罪則與人同也惟其有與人同所以知其非性之罪也。

章上六傳○問語其才則有下愚之不移孟子子非天之降才爾殊穎意不同朱子曰孟子之說自是與程子之說小異孟子只見得是性善便把才都做善看不知氣質各不同知后稷岐嶽極知此義以滅善敗是象來如此類說到和氣秉方得程子說得較盡。○言非禮義以禮義為非而拒之以不信自賊者也吾身不能居仁由義自謂不能而絕之以不為自棄絕也。○自暴者剛惡之所為自棄者柔惡之所

[illegible]

都是善。因氣是偏，這性便偏了。如人渾身都是機關而無差處，都是差處。孟子推其弊到無父處，這便是惡。然亦不可不謂之性也。○問：「是亦不可不謂之性。」程與孟子抵牾曰：「這般處難說作卒理會未得某病看，亦自疑但看來着去，自是分明。」蓋生之謂性，人生而靜以上不容今定是不錯，只是工夫子細看。說才說性，即便已不是性也。凡人說性，只是說繼之者善也。孟子言性善是也。夫所謂繼之者善也者，猶水流而就下也。而己矣。何言繼之可彰？形容哉！故善言性者，不過即其發見之端而言之而已。而性之體固可知識矣。如孟子之論四端是也。觀水之流而必下，則水之性下可知。知觀性之發而必善，則性之為善亦可知也。○周子言：「無極而太極。」事又言：「人生而靜以上不容言。」蓋聖賢論性，無不因心而發者。有欲言言之，則是所謂無極而不容言者，亦無體段之名矣。○人生而靜，只是性之未發，但於此可見天性之全非異以靜狀性也。○人生而動，是以後此時已在形氣之中，不是性之本體。然其性本體又未嘗不生，以後此時隨在形氣之中，不是性之本體。然其性本體又未嘗不外此要人，即此而見得其不離於此者。蓋此道理未有形見處，故才動便却須著了，但氣質不能離空寂得性者。○人生而靜以上天命之本體也。○人物未生時，只可謂之理，說性不得。○人生而靜以上天命之謂性，性是就人身中指出這箇是天命之性，不雜氣質者而言。言謂○人有此形氣，此理始具於形氣之中，而謂之性，才是說性。已涉乎有生而兼乎氣質，不得為性之本體。然性之本體亦未嘗離本然之性而有氣質之性。人具此形體便是氣質之性，才說性，此性乃是純粹氣質，是本然底。人生而靜以下方有形體，可說。○如說善即是有了性，下方說得善。○凡人說性，只是說繼之者善也，便用虛言之。易說天命流行，真明理便兼實了。○這繼字在人之發也用虛言之。○周子因其發處之善，是以知其本無不善。循循然也。○孟子說性善亦是就發處而言。程子就人言善，人便是一箇小天地也。○孟子說性善是從中間流出好底說，故謂之善。○性之在人猶水之在山，其清不可得而見流出而見其清，然後知其本清也。所以孟子只易見需子入井皆見怵惕惻隱之心，從指以示人，便知性之本善也。易謂繼之者善，在性之先，此所引在性之後。天道流行如此，所以人性發見亦如此。○問：「易與孟子就天分上各以流出處言明道，則假彼以明此耳。」曰：「不然。○文雖之者善，易與程子之言異曰：『明德先生之』言高遠闊朗，不拘本文正意，如此處多若執其方而論，則所不可通者，不但此句而已。○不容說真與性之本體如水，則只是水別。○皆水也有流而至海著一字，不得至謂之善，則性之發如水之下矣。」

終無所汙，此何煩人力之爲也。有流而未遠，固已漸濁；有出而甚遠，方有所濁。有濁之多者，有濁之少者。清濁雖不同，然不可以濁者不爲水也。如此則人不可以不加澄治之功。故用力數勇，則疾清；用力緩怠，則遲清。及其清也，則却只是元初水，也不是將清來換却濁，亦

所以然者是如何。曰：若無誠意，如何遽時應對？○治心修身是本，觀
增應對是末，皆其然之事也。至於所以然，則理也。理無精粗，本末皆
實。○楊子拔一毛不爲墨子，又摩頂放踵爲之，此皆是不得中。至
如子莫執中，欲執此二者之中，不知怎麼執得。識得，則事事物物上
皆天然有箇中在那上，不待人安排也。安排著，便不中矣。朱子曰：子
是安排，問時中如何。曰：中字最難識，須是默識心通，且試言一廳，則
中央爲中，一家則廳中非中，而堂爲中。言一國則堂非中，而國之中
爲中，推此類可見矣。如三過其門不入，在禹稷之世爲中。若居陋巷，
則非中也。居陋巷，在顏子之時爲中。若三過其門不入，則非中也。朱
曰：居陋巷，則似楊氏三過其門不入，則似墨氏要
之禹稷似兼愛而非兼愛，顏子似爲我而似非爲我。○无妄之謂誠，不
欺其次矣。不忠之謂誠，中庸言至誠無息，非以無息解誠也。或以問
先生爲不欺，則云云。○朱子曰：无妄者，聖人之道。思諸人爲无妄，則可謂
聖人爲不欺，則云云。○朱子曰：无妄者，聖人之道。思諸人爲无妄，則可謂
无妄是自然之誠，不欺是着力去做底。○非无妄故能誠，无妄便是誠。
无妄是四方八面都去得，不欺是兩箇物事相對。○无妄便是誠，
萬物所同得底。論道理不欺，是就一箇說。問不欺，是就人身說。○
否曰：然。○无妄自是我无妄，故說不欺者對物而言之。故次之。○
沖漠無朕，萬象森然已具。未應不是先，已應不是後。如百尺之木，自
根本至枝葉皆是一貫，不可道上面一段事無形無兆，却待人旋安
排引入來教入塗轍。既是塗轍，却只是一箇塗轍。朱子曰：此一段只
○此言未有道事，先有道理。如未有君臣父子，却旋將道理入在裏面。○未應
理不成，无此理，宜待有君臣父子，却旋將道理入在裏面。○未應
是未應，此無已應。已應，此事未應，固在先，却只是後來事。已應固
是後，却只是未應時理。○未有事物之時，此理已具。少間，理既具，
此理所謂塗轍，即是所由之路。如父之慈子之孝，只是一條路。從源
頭下來，○既是塗轍，却只是一箇塗轍。如既有君君臣臣底塗轍，却
只是无君臣之理也。○是這一段事，便只是這一段道理。精粗一貫
元無兩樣。今人只見得前面一段事，便只是這一段道理。精粗一貫
不知道漢實處理。○既是塗轍，却只是一箇塗轍。恐是記者欠了字
○近取諸身，百理皆具。屈伸往來之義，只於鼻息之間見之。屈伸往
來只是理，不必將既屈之氣復爲方伸之氣。生生之理，自然不息。如
復卦言七日來復，其間元不斷續。陽已復生，物極必返，其理須如此。
有生便有死，有始便有終。問屈伸往來，氣也。程子云：只是理。何也？朱
雖一陽之謂道，陰陽氣也。其所以一陰一陽循環而不已，乃道也。○
氣類有屈伸要之方伸之氣自非既屈之氣。氣類屈而物亦自一面

生出此所稱生生之理自然不息也。○此段為橫渠形潰反原之說而發也。○果戴李氏曰：往而屈者其氣已散來而伸者其氣方生，許多理自來不期於以斯屈之氣復為方伸之氣則天地間只有週之說。○永按程子破張子形潰反原之說固為正論，而人物有投生者又別有理理固有常有變也，但學者不可以此溺其心爾。

○明道先生曰：天地之間只有一箇感與應而已，更有甚事。朱子曰：陸陽之變化萬物之生成情偽之相通事為之終始一為感則一為應循環相代焉物之不己也。○事事物物皆有感應觸摩語默動靜亦然譬如氣聚則風止風止則氣復聚。○問感只

仁也。後人遂以愛為仁，愛自是情，仁自是性，豈可專以愛為仁？孟子言惻隱之心，仁之端也；既曰仁之端，則不可便謂之仁退之言博愛之謂仁非也。仁者固博愛，然便以博愛為仁，則不可。朱子曰：不可便謂之不可認情為性耳。非謂仁之性不發於愛之情而愛之情不本於仁之性也。○仁便是愛之體，愛便是仁之用。○仁離愛不得上蔡諸公不把愛做仁，他見伊川言博愛非仁也。伊川也不道愛不是仁，若當初有人會問必說道愛是仁之情，仁是愛之性如此方分曉耳。

○問仁與心何異？曰：心譬如穀種，生之性便是仁，陽氣發處乃情耳。

朱子曰：心相以數種論，則包裏底是心有林種有稻種，隨那種發出不同，這便是性。性是箇發出來底，他只會生，又如服藥了會治病，此是藥力或溫或涼便是藥性至虛喫了有溫語涼語這便是情。○以穀種譬之一粒穀香發生生意成苗結實多收種藏生意舊包在裏面每箇穀子裏生一箇生意種而復生之。穀種之藏其意舊包有這種種在這裏何患生理不存？○問仁者生之理而動之機曰道自是難說若要見得分明只看程先生說心譬如穀種生之性便是仁，便分明矣。○更真箇說得仁之體只說夫子說克己復禮公已是私如何便喚仁？若如此看則程子所謂公字愈覺親切曰公也只是仁底殼子盡他未得在畢竟裏面是箇甚物？事生之性也只是狀得仁之體。○生之性

○義訓宜禮訓別智訓知仁當何訓說者謂訓覺訓人便是愛之性。○皆非也。當合孔孟言仁處大概研窮之二三歲得之未晚也。問仁當

子曰不必頻用一字訓但要識得大意通透覺決不可以言仁雖足以知仁有偏習了。○仁是愛之體覺自是官之用仁統四德故仁無不善然便以愛為仁則不可。○永按中庸以人訓仁猶之以言訓義古人訓字多用諧聲苟識得大意則字末書不可訓要之仁字之義朱子心之誠敬

○性即理也。天下之理原其所自未有不善喜怒哀樂未發何嘗不善發而中節則無往而不善凡言善惡皆先善而後惡言吉凶皆先吉而後凶言是非皆是而非。本註易傳

賁賤非牛虎者也。得而後有失非得何以有失也。○朱子曰：性即理也在心喚做性在事喚做理。○性即理也有孔孟後無人見得到此

得自古無人敢如此道。○性卽理也。四字讀聲不破壞自己。身上見
便出來。○性卽理也。一語直是自孔子後惟伊川說得盡。這一句便
是千萬世說性根基。○問所謂理者。仁義禮智是也。不知是否。曰。四
者固性之綱。雖然其中無所不包。更詳味之。○未發之前。氣不用事
而無思。○問心有善惡否。曰。在天爲命。在義爲理。在人爲性。主於
身爲心。其實一也。心本善。發於思慮。則有善有不善。若既發。則可謂
之情。不可謂之心。譬如水。只可謂之水。至如流而爲派。或行於東。或
行於西。却謂之流也。○朱子曰。疑此段微有未穩處。蓋凡事莫非心之
便。手耳腳一轉。便是惡。以安頓不着。也便是善。如當惻隱而差惡。
善之發。有二。有自思慮上不知不覺自發出來者。有因外誘然後引
動此思慮者。曰。謂發處有兩端。固是然。畢竟從思慮發者也。只在
問思慮從心。生心若善。思慮便何有不善。曰。思慮以交物而蔽故有
不善。○問既發則可謂之情。不可謂之心。如何。曰。心是貫徹上下不
可只於一處看。○既發則可謂之情。不可謂之心。此句亦未穩。又下不
是亦記者之誤。○既發則不可謂之情。不可謂之心。此句亦未穩。又下不
之心。但有不善。則非心之本體。○性出於天才。出於天氣。清則才
清。氣濁則才濁。才則有善有不善。性則無不善。○朱子曰。程子此說才
蓋孟子專指其發於性者言之。故以爲才無不善。程子專指其發於
氣質者言之。則人之才固皆有智之強弱。之不同。未發子所謂氣質之性
是有不善。而性之善。則本善。而不可以無省察精養之功。○
有不善而不害性之本善。性雖本善。而不可以無省察精養之功。○
者所當玩也。○孟子論才是本然者。不路。○問程子謂才稟於氣
稟於天。乎。曰。皆天所爲。但理與氣分爲兩路。又問程子謂才稟於氣
如何。曰。氣亦天也。○問性之所以無不善者。以其出於天也。才之所
以有善有不善者。以其出於氣也。也是之性出於天。天氣出於天。何故便
至於此。曰。性是形而上者。氣也是之性出於天。天氣出於天。何故便
下者。只是渣滓。至於形又是渣滓。至濁者也。○一般能爲謂之才。才
之初。亦無不善。惟他氣質有善惡。故才亦有善惡。孟子自其同者言
之。故以爲出於性。程子自其異者言之。故以爲善惡。孟子之類。兼是
二者言之。方備只緣孟子不曾說到氣上。覺得此段說話。無緒無故
有後來有揚韓許多議論。○氣質之性。古人雖不曾說。考之經典。却
有。此意也。孔子謂性相近。習相遠。孟子辯告子生之謂性。亦是
之說。皆此意也。○孔子謂性相近。習相遠。孟子辯告子生之謂性。亦是
說氣質之性。近也。被漢漢注。證出主橫渠二程始有氣質之說。此伊
川論才。所以云有善有不善者。皆指此而言也。○氣質之性。其類不
非但渣滓二字而已。今人有聰明通達事。事曉了者。其氣質清。夫而
所善。或未必皆中於理。則已。今人有聰明通達事。事曉了者。其氣質清。夫而
理者。其氣質清。夫而所善。或未必皆中於理。則已。今人有聰明通達事。事曉了者。其氣質清。夫而
其氣之不清也。推此類以求之。才自見矣。○性者自然完具。信只
是有此者也。故四端不言信。○問蓋惡真箇善惡。此便是信。曰。此却是
已發時。方有這信。曰。其中不箇善惡。此便是信。曰。此却是
如信。信實有真實而無妄。故信字更不須疑。○信是誠實。此四者
又如土。土。四時各主一十八日。○四端之信。猶五行之土。無定位。無成

性無專氣而水火金木無不特是以生者故土於四行無不在於四時則寄而信其理亦猶是也○五行非土不立而土無定位五常非土始不誠無物亦可觀矣○心生道也有是心斯具是形以生惻隱之心人之生道也○朱子曰心生何故入在斯思誠中所謂何物不載但只恐有闕文此四字說不盡○心生道也謂天地以生物為心而人得之以為心者○天地生物之心是仁人之稟賦得此乃生之道惻隱之心人之生道也乃是得天之心以生生物便是天心○上面合無間○至然做天底也不得蓋理只是一箇渾然底人與天地混合無間問生道是本來也蓋以生者也曰是人為天地之心意○永按又有一條云有是心斯具是形以生是心乃屬天地夫屬我在疑非定說○橫渠先生曰氣塊然太虛升降飛揚未嘗止息此虛實動靜之機陰陽剛柔之始浮而上者陽之清降而下者陰之濁其感遇聚結為風雨為霜雪萬品之流形山川之融結糟粕煨燼無非教也○正蒙下同○朱子曰氣塊然張子所謂虛空即氣也蓋天在四畔地居其中減得一尺地還有一尺氣但人不見耳此是未成形者問虛實以陰陽言否曰以有無言及至浮而下降而下則已成形者若所謂山川之融結糟粕煨燼皆是氣之渣滓要之皆是理○升降飛揚所以生人物者未嘗止息但人不見耳○問言機言是莫是說理否曰此本只是說氣理自在其中一箇動一箇靜便是機處無非教也教便是說理此等言語都是經鍛鍊底語須臾細看○問氣塊然太虛此是言天地未判之時為復返古今之此只是統說只今便如此問升降者乃是陰陽之兩端飛揚者是游氣之紛擾否曰此只是說陰陽之兩端得為雨露霜雪流形融結又虛實動靜二句此正是說陰陽之兩端到得為雨露霜雪流形融結却正是說游氣之紛擾者也○問虛實動靜兩句欲云虛實動靜乘此氣以為機陰陽剛柔資此虛實以為始可否曰此兩句只一般實動靜便是陽虛陰靜便是陰但此虛實動靜是其用陰陽剛柔是言其體而已問始字之義曰只是說如箇生物底母子相似萬物都從這裏生出上去又說升降飛揚便是這升降飛揚者為之兩般也○至浮而上者兩句便是剛○問此教也都是道理在上而發見曰然精底都從粗底上發見道理都從氣上流行雖至粗底物無非是道理發見

○游氣紛擾合而成質者生人物之萬殊其陰陽兩端循環不已者立天地之大義○問此段是說氣與理合○朱子曰此段真是說氣未著去生人物立天地之大義此說氣之本本章亦是發明此意○游氣陰陽陰陽即氣也○登陸陽之外復有游氣所謂游氣者指其所以賦與萬物一物各得一箇性命便有一箇形質此游氣合而成之雖是如此而所謂陰陽兩端成片段凌然出來者固自有也○水猶論太極陽物者指其散出紛擾者便是游氣以生人物之萬殊正如磨相似其四邊只管撒出正如天地之氣運轉無已只管生出人物其也合而成為質者各正性命也○陰陽循環如磨游氣紛擾如磨中出者易曰陰陽相摩八卦相薄○陰陽之氣以雷霆潤之以風雨日月運行一